

欽定八旗通志卷一百八十

人物志六十

大臣傳四十六

滿洲鑲藍旗三 格爾古德 庫

穆和倫 新柱

格爾古德

格爾古德滿洲鑲藍旗人姓鈕祜祿初由筆帖式

爲內院副理事官

聖祖仁皇帝康熙三年隨定西將軍圖海征湖南茅麓山

流賊凱旋陞宏文院侍讀九年充

玉牒纂修官尋遷翰林院侍讀學士充

日講起居注官十三年隨安親王岳樂征逆藩吳三桂自江西進湖南十七年僞將軍林興珠率衆降安親王軍前格爾古德自長沙馳報並奏

聞興珠所言困賊策分岳州水師爲二一泊君山以斷常德之道一泊香爐峽扁山以斷長沙衡州之道則賊不戰自潰

上以密諭駐軍岳州之貝勒大臣核議行十九年隨安親
王還京擢詹事府詹事尋

諭吏部議敘勤勞奉職諸講官加格爾古德一級二十年

遷內閣學士明年正月授直隸巡撫

諭曰旗下庄頭與民雜處倚恃其主聲勢每爲民害爾其
嚴察懲創勿事姑息金世德子成龍爲巡撫廉潔有聲
爾繼其後得民甚難若急於求名或致僨事爾其凜諸
二十二年四月疏言自營投旗之人或有作奸犯

科冀逃法網者或有遊手好閒規避差徭者本主聽其仍居本籍放債俸利則諱旗而稱民遇官長訪聞窩逃構訟等事又舍民而稱旗抗避不出甚或招搖鄉里魚肉小民應責令本主止留務農人戶於屯庄餘俱收回服役嚴定縱徇處分得

旨下部詳議飭禁並

特諭部凡嚮身之人或曾經犯罪冀投旗俸免者與知情之本主俱從重治罪二十三年三月疏言順天永平保

定河間等府民田園作旗產者向以別州縣之地
撥換仍聽彼處民人佃種令業戶收租供賦遇佃
租不償則額賦無出其佃地所屬州縣因錢糧考
成無涉不爲催租致受撥之地多有積逋官民俱
累請自後令佃地所屬州縣代爲徵解仍按未完
分數與奏銷一例處分疏下部議行先是保定運
歲歉收米粟騰貴格爾古德請截留山東漕糧撥
給駐防兵部議不准格爾古德復疏言駐防兵米

不下萬石若就近採買民間益苦直昂或遠購隣境則運費不貲仍請截留爲便得

旨允行時大學士明珠佐領下人戶指國民間塚地墾種有訴於戶部者牒巡撫察勘宛平知縣王養濂以無礙塚塋飾辯格爾古德劾養濂引圈塋地屬實得

旨下部議處並

諭曰民間田地久經有旨永停圈占止以部存地畝分撥

新戶口何得借端擾害百姓嗣後有似此者從重治罪
六月疏薦井陘道李基和靈壽知縣陸隴其盧龍
知縣衛立鼎廉能素著得

旨下部陞用格爾古德尋以疾請解任

溫旨慰留

遣太醫診治會

詔九卿等公舉清廉官首以格爾古德列奏

上曰格爾古德居官素優近聞患病羸弱深軫朕懷七月

卒於官年四十有四

遣內大臣侍衛於櫬至日奠茶酒部臣以格爾古德曾失
察知縣諱盜降一級其任巡撫未滿三年應減半
予祭葬銀

上曰格爾古德自簡任以來清廉自持勤勞素著復其所
降之級從優再議

賜祭葬如典禮諡文清

上嘗諭責漕運總督碩幹居官無善狀碩幹奏曰臣爲衆

所忌故未能自致聲譽

上曰格爾古德爲巡撫歿後人猶思慕稱頌居官苟善豈有不致聲譽者乎二十六年祀直隸名宦祠

庫噶訥

庫噶訥滿洲鑲藍旗人姓瓜勒佳康熙五年出監生任吏部筆帖式八年授本部主事尋遷員外郎十年改授翰林院侍講轉侍讀十三年充

日講起居注官十五年遷侍講學士充

金定人勅通記 卷一百一十一
經筵講官十八年遷詹事府詹事十九年正月擢翰

林院掌院學士四月

上御懋勤殿講官進講畢

上曰堯舜禹湯以來心法治法具在尙書爾等每日悉心
進講朕孜孜典學雖不能媲古帝王而此心朝夕懋勉
未嘗稍懈也庫時訥奏曰書經應講者畢自今當以易
經進講

上曰經史俱關治理自明日始進講易經可每晚進講通

鑑五月

諭獎奉職勤勞諸講官庫喀訥得加一級二十一年五月
授刑部左侍郎未幾調兵部二十二年三月

命赴貴州酌議土司事宜

上諭之曰曩時逆賊吳三桂見土司富厚因收服之今既
歸順議者或云設立土官或云設立流官衆論互異朕
思土司地方只有大定黔西平遠威寧四府錢糧亦不
甚多爾往務善爲經畫使可永遠遵行毋得遊移兩可

十二月庫喀訥會同雲貴總督蔡毓榮疏言平遠
大定黔西舊爲水西宣慰司安坤所屬威寧係安
坤子安勝祖所屬自康熙四年設立流官相安已
久糧課差徭悉無違悞不便更設土官安勝祖應
去其土知府銜不得擅預軍民事所有宣慰司仍
予承襲至土州同龍天佑向因殺賊著有勞績奉
旨授以左都督總兵銜今宜仍以總兵銜管州同事若及
身遽行削去恐不足鼓勵土人之心又言土官子

弟俱世襲相承不由選舉罔知誦讀嗣後應令有志向上者於就近各府一體應試酌定若干名必詣習經書通達文義者方如數錄取疏下部俱議行二十三年轉督捕左侍郎二十五年四月吏部請補掌院學士缺

士曰學士關係最重庫貯納任此職時較他人爲優遂調禮部侍郎仍管翰林院掌院學士尋充明史總裁及

三朝國史副總裁官三十年擢戶部尙書三十一年二月

調吏部尙書

命同禮部尙書熊賜履往江南勘訊運河同知陳良謨訐

告河道總督王新命勒取庫銀事鞫新命及良謨

並挪移庫銀論罪如律六月

命同內閣學士溫保往貴州勘訊苗人拒捕事尋劾奏貴

州巡撫衛旣齊未經審察苗人實情擅行用兵又

妄報陣殺多人得

旨逮問衛既齊論罪如律三十三年九卿會推兩江總督
以吏部侍郎布彥圖等十二人列奏先是布彥圖
由理藩院郎中洊遷內閣學士刑部侍郎調任吏
部至是

上察知其任吏部後聲名甚穢

命大學士詢問何人保舉布彥圖時熊賜履亦爲吏部尚
書遂以賜履保舉覆奏

上召庫喀訥

諭詰之曰布彥圖與爾同旗同部其人果可保舉耶庫喀

訥奏曰布彥圖品行穢劣非可保舉之人

上曰如是爾何不阻之爾爲尙書當矢志忠誠勉圖効力
如布彥圖之貪穢舉國共知何得聽人妄行保舉自古
漢人結爲黨類各援引同黨之人以欺其上滿洲舊習
樸誠忠實今亦各自結黨惟兵部尙書索諾和並無黨
類亦不來往大臣之家愿懇安分此外孰無黨者焉能
欺朕朕因布彥圖在理藩院時塞外効力漸陞至侍郎

不思圖報朕恩所行貪穢朕甚惡之著革去侍郎仍爲理藩院員外主事爾等不奮勉以副任用之恩朕亦必加處分斷不寬貸也三十五年三月

上親征噶爾丹次瑚什穆克

召庫喀訥往察沿途驛站留牧疲瘦馬匹及停運米糧七

月御史龔翔麟劾奏吏部擬補擬選先後互異得

旨吏部回奏復下都察院察議以回奏含糊矛盾應降三級

與尙書熊賜履侍郎趙士麟彭孫遒並應降三級